



Politička organizacija građana "Naša stranka"
Branilaca Sarajeva 5/1, 71 000 Sarajevo
Telefon: 033 551 225; Fax: 033 551 226
E-mail: nasastranka@nasastranka.ba
Web: www.nasastranka.ba

370
381

Sarajevo, 14.03.2017.

Predrag Kojović
Zastupnik Naše stranke u Skupštini Kantona Sarajevo



Dostaviti:

Vlada Kantona Sarajevo

n/r predsjedavajuća, Ana

Babić

Skupština Kantona Sarajevo

**PREDMET : AMANDMANI NA PRIJEDLOG ZAKONA O IZMJENAMA I DOPUNAMA
ZAKONA O KONCESIJAMA U KANTONU SARAJEVO**

Poštovani/a ,

U skladu sa članom 151. i 152. Poslovnika Skupštine Kantona Sarajevo, Predrag Kojović, zastupnik Naše stranke u Skupštini Kantona Sarajevo dostavlja slijedeće:

AMANDMANE NA PRIJEDLOG ZAKONA
O IZMJENAMA I DOPUNAMA ZAKONA O KONCESIJAMA U KANTONU SARAJEVO

Amandman I

“Član 4. se mijenja i glasi :

(1) U slučaju da ponuđač resornom ministarstvu podnese zahtjev za dodjelu koncesije za koju nije raspisan javni poziv, a nije obuhvaćena planskim dokumentima iz člana 7. ovog zakona, Vlada Kantona formira Komisiju iz člana 13. ovog zakona, koja procjenjuje da li postoji javni interes i da li su ispunjeni svi uslovi za dodjelu samoinicijativne koncesije, putem resornog ministarstva dostavlja prijedlog odluke Vladi Kantona.

(2) Uz zahtjev iz stava (1) ovog člana obavezno se dostavlja studija opravdanosti dodjele koncesije i riješena prethodna pitanja (izvod iz prostornog planskog dokumenta, saglasnost općinskog vijeća, kao i dokumenti koje propisuje resorno ministarstvo na prijedlog komisije za dodjelu koncesija).

(3) Pri procjeni prijedloga iz stava 1. ovog člana uzima se u obzir naročito:

a) da projekat koji je predmet predložene koncesije može biti ostvaren samo u slučaju ako se koristi proces, projektovanje, metodologija ili koncept inženjeringa na koje ponuđač polaže ekskluzivna prava;

b) hitnost pružanja usluga ili postojanja infrastrukture za javnu upotrebu.

(4) Ministarstvo podnosi zahtjev Vladi Kantona za dobijanje ovlaštenja za pregovore sa ponuđačem, ukoliko Vlada Kantona ocijeni da postoji javni interes za koncesiju.

(5) Vlada Kantona u roku od 15 (petnaest) dana obavještava resorno Ministarstvo da li odobrava davanje ovlaštenja za pregovore i saglasnost na tekst ugovora o koncesiji.

(6) U ovlaštenju koje Vlada Kantona daje, sadržana je obaveza praćenja procesa ili izvršenja uvida u dokumentaciju iz samoinicijativne ponude.

(7) Resorno ministarstvo ne može zaključiti ugovor o koncesiji na osnovu samoinicijativne ponude, ukoliko ne dobije ovlaštenje za pregovore i saglasnost na tekst ugovora o koncesiji od Vlade Kantona.

(8) Vlada Kantona može odbiti davanje ovlaštenja za pregovore u slučaju kada samoinicijativna ponuda nije predviđena članom 7. ovog zakona (planski pristup) ili kada je u suprotnosti sa stavovom 3. ovog člana, ali ako ocijeni njenu opravdanost postupak dodjele koncesije se sprovodi u skladu sa procedurom propisanom ovim zakonom.

(9) Ukoliko Vlada Kantona ocijeni da ne postoji javni interes za dodjelu koncesije, o tome će Odlukom o odbijanju zahtjeva obavijestiti podnosioca samoinicijativne ponude u roku od 45 (četrdeset) dana od dana prijema zahtjeva. Odluka o tome da ne postoji javni interes mora biti obrazložena.

(10) U slučaju postojanja javnog interesa za dodjelu koncesije Vlada Kantona donosi Odluku o postojanju javnog interesa za dodjelu koncesije u roku od 45 (četrdesetpet) dana od dana prijema zahtjeva za dodjelu koncesije.

(11) Vlada Kantona na prijedlog resornog ministarstva daje saglasnost na tekst ugovora o koncesiji u roku od 30 (trideset) dana od dana davanja ovlaštenja za pregovore.

(12) Resorno ministarstvo može rezervirati pravo sudjelovanja u postupcima dodjele samoinicijativne koncesije zaštićenim radionicama i privrednim subjektima čiji je osnovni cilj društvena i profesionalna integracija osoba s invaliditetom ili osoba u nepovoljnom položaju ili mogu za takve koncesije omogućiti izvršenje u kontekstu programa zaštićenih zaposlenja, ako najmanje 30 % zaposlenih osoba u tim radionicama, gospodarskim subjektima ili programima predstavljaju radnici s invaliditetom ili radnici u nepovoljnom položaju.

(13) Resorno ministarstvo uz saglasnost Vlade Kantona donosi pravilnik kojim se detaljnije uređuje postupak dodjele koncesije na osnovu zahtjeva (samoinicijativne ponude) za dodjelu koncesije, u roku od šest mjeseci od dana stupanja na snagu ovog zakona. Ovim pravilnikom se propisuju i dokumenti koji su specifični za predmet koncesije, odnosno oblast predmeta koncesije, koji se obavezno dostavljaju uz zahtjev za dodjelu koncesije."

(14) Protiv Odluke iz stava (9) i (10) ovog člana nije dozvoljena žalba, ali se može pokrenuti upravni spor pred Kantonalnim sudom u Sarajevu."

Obrazloženje:

Predložene izmjene datog člana se odnose prvenstveno na usklađivanje sa Eu Direktivom 23/14 o koncesijama gdje se prilikom samoinicijativnih ponuda uzima u obzir ekskluzivno pravo ponuđača prilikom zaključenja ugovora kao i davanje prednosti kod ovakvih ugovora preduzećima koja imaju zastupljenost lica sa invaliditetom odnosno osoba u nepovoljnijem položaju da im se obezbjeđe koncesioni ugovori. Ovo se direktno veže za Direktivu 23/14 koja je trenutno u procesu usvajanja u

Hrvatskoj, gdje se govori o rezervisanim koncesijama kako bi se olakšalo pravnim licima koja imaju veću zatupljenost od 30% lica sa invaliditetom odnosno osoba u nepovoljnijem položaju da bi mogli da budu i dalje konkurentni na tržištu. Smatramo da ukoliko želimo da budemo u skladu sa zakonskom regulativom EU-a moramo početi da ubacujemo bitne dijelove direktiva kako bi nasi zakoni bili uskladu sa istima. Isto tako jako je bitno osigurati kraće rokove prilikom dodjela koncesionih ugovora koji bi u velikom skratili proceduru i obezbjedili veću zakonsku efikasnost i prohodnost.

Amandman II

„Član 7. se briše.“

Obrazloženje :

S obzirom na dato mišljenje pravobranilaštva smatramo da podjela nadležnosti između resornog i ministarstva finansija nije adekvatno rješenje, jer može doći do nanošenja štete koncesionaru, te stoga smatramo da nadležnost mora da bude strogo postavljena na resorno ministarstvo, stoga smatramo da ova izmjena nije potrebna te da je ovo prema postojećem zakonu već dobro riješeno.

Amandman III

„Član 9 . se mijenja i glasi :

(Potpisivanje ugovora sa postojećim korisnicima)

- (1) Privredno društvo koje je nosilac prava za korištenje općeg ili drugog dobra zaključuje ugovor o koncesiji bez provođenja postupka propisanog ovim Zakonom na period od pet (5) godina, ako nosilac ekskluzivnog prava korištenja ispunjava uslove za dodjelu koncesije propisane ovim Zakonom.
- (2) Korisnik općeg ili drugog dobra iz stava (1) ovog člana dužan je podnijeti zahtjev za potpisivanje ugovora o koncesiji u roku od 30 (trideset) dana od dana stupanja na snagu ovog Zakona.
- (3) Koncesor je dužan u roku od 90 (devedeset) dana riješiti postupak po zahtjevu koncesionara iz stava (2) ovog člana.
- (4) Ako privredno društvo ne postupi u skladu sa stavom (2) ovog člana, koncesija se dodjeljuje po postupku propisanom ovim zakonom.

(5) Rok iz stava (2) ovog člana računa se od dana stupanja na snagu ovog zakona.

(6) Ako ugovor iz stava (1) ovog člana ne bude zaključen u propisanom roku nadležni inspekcijski organ rješenjem će zabraniti korištenje koncesije.

(7) Na koncesionare koji su potpisali koncesione ugovore za predmete koncesije koji su u nadležnosti Kantona po važećim propisima na period do 5 (pet) godina, ne primjenjuju se odredbe člana 22. Stav (1) ovog zakona, Vlada Kantona Sarajevo će biti dužna da prvo ponudi zaključenje novog ugovora do kraja isteka prvobitnog zaključenog ugovora, ukoliko koncesionar odbije Vlada Kantona Sarajevo ima pravo da raskine ugovor i pokrene javni konkurs za dodjelu ugovora prema redovnom postupku.

(8) Korisnik predmeta koncesije iz člana 1. stava (1) tačke 4) ovog zakona, koji ima dozvolu za rad, dužan je podnijeti zahtjev za dodjelu koncesije u skladu sa članom 20. Zakona i odredbama ovog zakona u roku od 30 (trideset) dana od dana stupanja na snagu ovog zakona.

(9) Ako ugovor o koncesiji po zahtjevu iz stava (8) ovog člana ne bude zaključen u roku od 90 (devedeset) dana od dana podnošenja zahtjeva nadležni inspekcijski organ će korisniku zabraniti korištenje predmeta koncesije.

Obrazloženje:

Ovaj amandman se direktno veže na već predloženu izmjenu s tim da se u obzir uzima da pravno lice koje ima već zaključen ugovor o koncesiji, Vlada Kantona Sarajevo mu je dužna predložiti novi ugovor do kraja isteka već potpisanog ugovora po istim uslovima, ukoliko privredno lice odbije onda se ide u redovan poziv za dodjelu ugovora o koncesiji. Ovim se osigurava jednakost na tržištu te da Vlada Kantona Sarajevo ne može sama da raskida ugovore o koncesiji i da samoinicijativnom ponuđaču dodjeli isti ugovor prema povoljnim ili nepovoljnijim uslovima.

S poštovanjem,



Predrag Kojović

Zastupnik Naše stranke u Skupštini KS